

M. 200.

DE
NEXU, QUI SENSUI CUM
RATIONE, QUOAD RELI-
GIONEM SPECTANT,
INTERCEDIT.

DISSERTATIO PHILOSOPHICA,
QUAM
IN UNIVERSITATE LITERARUM CAESAREA
DORPATENSI

AD
VENIAM LEGENDI
RITE ADIPISCENDAM
SCRIPTIS ET PALAM DEFENDET

M. C. Posselt.
PHIL. DR.

Mohr Haab.

DORPATI LIVONORUM.
TYPIS I. C. SCHÜENMANNI,
TYPOGRAPHI ACADEMICI.

MDCCXXXIII.



I m p r i m a t u r

haec dissertatio ea conditione, ut quum primum ex officina emissa fuerit, quinque ejus exempla collegio libris inspiciendis praeposito tradantur.

Dorpati, d. XXV. m. Octobr. a. MDCCCXXXIII.

D. Frid. Neue,
Decanus.

Πολλῷ τὸ Φρονεῖν εὐδαιμονίας
πρᾶτος ὑπάρχει· χρὴ δὲ τὰ γένη τοῦ Θεοῦ
μηδὲν ἀσεπτεῖν· μεγάλοι δὲ λόγοι
μεγάλας πληγὰς τῶν ὑπεραύχων
ἀποτίσαυτες
γῆρας τὸ Φρονεῖν ἔδιδαξεν.

Sophocl. Antig. v. 1327.

*Nemo credit nisi valens. Fide actio et
actione fides nititur.*

AUGUSTINUS.

Natura materialis atque natura intelligens, mutuae inter eas rationes, earumque origo ultima, ex quo homo ad res altiores animum advertit de iisque cogitat, quaestionem ei praebuerunt tam obscuram, quam nunquam solvere possit; atque omnia philosophorum conamina ex antiquissimis temporibus dualismum inter naturam intelligentem et vim inexplicabilem huic naturae intelligenti repugnantem omnibus obstaculum maximum objecisse testantur. Frustra studuerunt hanc repugnantiam tollere sententiis arbitrariis; etenim semper aliquid ignoti atque incerti restabat, quod vel acutissimis ratiocinationibus non potuit ad liquidum perduci. Aliquoties quidem via paene vera inita erat, sed mox, vestigiis veri-

tatis in longum tempus amissis, rursus in labyriu-
thum atque errores ducti sunt. Difficillimum erat,
etiam si interdum tandem viae idealistica et reali-
stica, quas vulgo dicunt, quibus res considerantur
ex una tantum parte, reliquiae essent, viam panthe-
isticam evitare. Nuuquam quidem in religionis
campo deerat, quod ad occupandam et obtinendam
veram viam impelleret, atque hic illic sensus reli-
giosus in philosophicam agendi rationem vi quadam
irrupit, ut hic quoque identidem, substanciales esse
Deum mundumque, in memoriam revocaretur. Ita
doctrina, quae primum in Christianismo charactere
quodam universali praedita conspicue exsisterat, et
genus humanum religioso theismo ac pantheismo,
res ex una tantum parte contemplantibus, libera-
verat, per gnosticas, scholasticas et mysticas mediae
aetatis scholas primam explicationem philosophicam
adepta est. Quip per eas directa via alveus pro-
fundus formatus est, cuius amnis in cursu suo ne
per loca arenosa quidem philosophiae seniorum tem-
porum prorsus exarescere poterat, sed potius tunc
demum liquatus et intra certas ripas coercitus ad
nos usque profluxit. Ratio enim justam, medium, qua
studium illud philosophicum nec prorsus contemnatur,
nec nimis aestimetur, invenire, temporibus re-
centissimis demum datum est. His tandem, bello
diurno cum viribus giganticis gesto, expugnatisque
cum desperatione quadam ultimis munitionibus, li-

bertatis signum in philosophiae regno elatum, atque
Deo supra nos et in nobis, omnia, quae ei deben-
tur, jura tributa sunt. Quaestio de libertate divina
atque humana, summa illa totius philosophiae, nunc
rursus sancta cum severitate proposita est, eaque so-
luta et idealismi et realismi catenae disruptae sunt,
atque illud obscurum mysteriosumque, intimus quasi
nucleus veritatis, accuratius cognitum et intelle-
ctum est.

Omnis vitae fundamento vitam specialem, quae
ipsa non creata, creans in infinita vita appareat, niti,
argumentum est principale, in quo philosophia et
religio cum omnibus suis veris falsisque varietati-
bus versantur. Hoc autem elementum primitivum,
haec non incepta et infinita vita ex quo constet?
quomodo in actione sua appareat? num in ea, — ut
Kantii verbis utamur — praeter spontaneitatem re-
ceptivitas etiam adsit, praeter agendi vim vis pati-
endi quoque? — quis ad has aliasque hujus gene-
ris quaestiones perfecte ac veritati omnino conveni-
enter respondere poterit? — Homo? animantium
in terra viventium fortasse facilime, quoniam in
horum animantium serie primus est! sed nonne si-
mul in serie animantium, qui de quaestionibus mo-
do propositis cogitare, ad easque respondere pos-
sunt, ad ultimos referendus est? nonne in extremis
finibus proprii animorum regni versatur, ergo a cen-
tro quasi omnis animorum vitae longissime abest,

ia ut ei omnia, quae ad animos referenda sunt, in rerum sensibus subjectarum formis jam rudioribus, jam tenuioribus appareant, et apparere debent, quoniam nisi hoc fieret, ut umbrae inanes et formae expertes, ut nubes nebulosae quovis momento se mutantes, sensus ejus internos praetervolarent et dissolverentur. Ipsa ejus lingua quid aliud est nisi thesaurus sive complexus cogitationum in corpus quasi mutatarum? atque ejus sermo? corporatarum ejusmodi cogitationum, e quibus tam facile tugurium, quam templum exstrui potest, compositio secundum regulam aliquam universalem mathematice et arithmeticamente facta. Atque homo istiusmodi, qui ne in rebus terram attinentibus quidem se ipsum plane cognoscere unquam valet, quomodo ipsam universi radicem attingat, quomodo vitam infinitam in vi infinita, atque hanc vim in infinitis efficacitatis sua formis investiget, omniaque in natura sua, quasi de novo, etsi tantummodo in animo, creet, ita ut jam cognosci et intelligi queant in omne tempus et ab omnibus, qui cognoscendi et intelligendi facultate sunt praediti! Homo, qui hoc posset, animans esset hominem longe superans. Sed neque quisquam hoc potuit, neque poterit, quamdui homines erunt tantum homines; quod nobis historia inde a Mose de mundi creatione philosophante usque ad ultimos temporis nostri philosophos ostendit.

His omnibus perpensis satis perspicuum mihi

videtur esse, neque philosophiam, neque religionem ullam esse ultra humanae intelligentiae fiues arcana, nobis detegentem, quae ex naturae nostrae institutione arcana nobis adhuc maneant, necesse est. Sapientissime igitur et optime agit, qui, se non demergens in inanes meditationes rerum, quas animo suo assequi non possit, ea solum arripit et amplectitur, quae natura in universum atque ipsius naturae in specie ipsi mirifice revelat, neque has revelationes, quae cunctae naturales et divinae sunt, secundum theoriam a se ipso factam in classes redigere conatur, quemadmodum secundum eandem theoriam naturae suae facultates et vires ordinavit, ita ut sint revelationes per sensum externum et revelationes per sensum internum, atque utraeque rursus in genera et species devidantur, eoque modo varietas existat, in qua propter nimium ordinem omnia adeo turbata atque ordine destituta sint, ut nemo viribus suis ordinatis eaque ex causa sejunctis ea in unum rursus colligere valeat. Homo in natura sua peculiari, quamvis maximam in eo invenias varietatem, tamen unitas perfectissima est; eademque ratione universalis quoque natura. Quaecunque igitur haec in unitate revelat, ille in unitate excipere debet, etenim non in multitudine vel varietate, sed in unitate posita est vis.

Cuicunque disquisitiones de religione, etiamsi aliquantulum modo, cordi fuerint, notum est, quae-

stionem, quid sit religionis objectum, non esse difficultam. Si enim ex omnium gentium omniumque religionis sectarum cognitionibus et persuasionibus religiosis peculiaria et propria se jungimus, omnibus id commune remanet, quod aliud supra sensus positum statuunt. De religione omnino non potest esse sermo, nisi quatenus causam mundi sensibus percipiendi, ejusque phaenomenorum mutationumque in principio quodam extra hunc mundum sensibus subjectum et supra eum posito quaerimus. Hoc ipsum vero homines ad unum omnes faciunt, quos religione imbutos esse dicere possumus; etenim is quoque, qui effigies et simulacra Deorum commenticiorum veneratur, non tam lapidem ante se positum vel rem aliquam aliam, quam potius vim quandam sensibus non subjectam adorat, quam in hac re inesse opinatur. Hoc supra sensus positum, sive Deum, sive fatum, sive animum mundi, sive quocunque alio nomine appellas, commune uniuscujusque religionis objectum est. Ejus relatio quidem aliquid negativi continet, neque tamen aliter quam ut aliquid commune proponi potest; nam in ipso positivo constituendo singularum religionum proprietas et varietas incipit. Id autem tantummodo, quod commune est, in definitione afferre licet, ut singula quaeque ad eam referri possint.

Multo gravioris momenti et difficilior est multo plures diversas sententias admittit haec que-

stio, quid sit elementum religiosum in homine, sive in qua animi humani facilitate religionis fundamentum sit positum. Inter omnes constat religionis systemata diversa eo orta esse et quotidie oriri, quod homines jam mentem, jam cor et sensum, jam rationem, jam phantasiam certi religionis fontem esse crediderint. Si diligenter et accurate nos ipsos contemplabimur atque facta nulli dubio obnoxia simul comparabimus, in quavis harum sententiarum aliquid veri inesse, neque vero ullam per se solam esse veram, facile intelligemus. Vita religiosa saepe debilissima maximeque turbata in iis appetit, quorum cogitandi facultas magnopere est exulta, validissima contra et purissima in aliis, quorum animus in infimo excultionis gradu substitit. Si hominis intelligentia religionis fons esset, contrarium accidere opporteret, ita ut philosophus, cuius animus quam maxime exultus est, simul religioni maxime esset deditus, agricola vero rudis ab ea alienissimus. Sed quam saepe experientia contrarium nobis ostendit! Quamdiu igitur hae observationes negari nequeunt, fundamentum religionis etiam in hominis mente et ratione, cum ambae habeantur intelligentiae vires, non potest quaeri. Si contra infantem, in quo nondum ulla animi vis praeceteris exulta est, vel feminam, in qua sentiendi facultas non raro praevalet, consideramus, facile possemus adduci, ut in eo ipso, quod vulgo cor sive sensum nuncupa-

mus, religiosum hominis elementum inesse opinare-
mur, nisi etiam hic rursus exemplum viri inculti
nobis obstaret, quippe qui, quamvis in omnibus cae-
teris vitae rationibus rudissimum et inhumanissimum
se praebat, saepè tamen religionis sensu quam pu-
rissimo atque intimo imbutus sit.

Si jam nos ipsos, quo tempore religione quam
maxime affecti nobis videmur, contemplamur, modo
dictis respondentia observamus. Saepissime rebus
sacris deditus, quae animi mei facultas præcipue
moveatur, omnino non possum discernere; alio tem-
pore hoc quidem valeo, sed illa non est semper
una eademque facultas. Jam mens et ratio in qui-
etis situ quasi passivo sunt, dum cor religiosis
sensibus maxime sublimibus extollitur; jam nullam fere
sensus cordisque incitationem animadverto, sed ratio
cum summa voluptate religiosa in res supra sensus
elatas contemplandas se quodammodo demergit, vel
voluntas fortiter intenditur et excitatur, vel phan-
tasia spatia infinita pervolat. In quanam ergo ha-
rum virium singularum vitae religiosae fundamen-
tum erit investigandum?

Ex altera vero parte rursus profitendum est,
nullum singularum illarum facultatum deesse posse,
ubi de vita religiosa loquamur. Omnium animan-
tium nobis notornm solus homo ad religionem per-
cipiendam est accommodatus, quoniam intelligens
est; sed si intelligentia sola (mente et ratione), nec

vero sensu, voluntate et phantasia esset instructus,
vera religionis præcepta quidem disciplinae instar
exponere, minime vero vitam religiosam degere pos-
set. Inter facultatem cogitandi et vim sentiendi ea
est ratio, ut altera alteram coërceat, ita ut, quo
magis alterius robur et potentia minuatur et debili-
tetur, eo magis alterius augeatur et corroboretur.
Ut autem vera corporis sanitas singulorum organo-
rum concentu nititur, sic etiam tantummodo is ani-
mus, in quo perfectum omnium virium aequilibrium
est, sanus potest appellari. Itaque religiosum in ho-
mine elementum prorsus non in una quadam ani-
mi facultate quaerendum est, sed in his facultatibus
universis in unum quasi conjunctis, (vulgo forsitan
hoc ita enuntiaretur: in earum universitate).

Psychologia est animi anatomia; sed psychologi-
gi, quid sibi faciendum sit, non satis cognitum ha-
bent, si anatomicos in eo etiam imitantur, quod
animum secundum ipsius vires, agendi rationes,
functiones cet. dissecant, disjunctasque partes, ut
illi cadaver dissectum, relinquunt, neque eas rursus
componunt. Quaevis quasi dissectio animi in sin-
gulas vires tantum fingi potest cogitatione menteque;
revera ille est aliiquid totum, idque indivisum; at-
que si cogitatione nostra animum in partes distri-
buimus, hoc eo solum consilio facimus, ut totum,
quale sit, eo facilius comprehendere et intelligere
possimus. Ut vero animus intus varia ratione in-

citur, sic etiam extrinsecus variis viis, quid cogitet faciatque, nobis ostendit, i. e. in externis rationibus, relationibus animantem homo se praestat.

Secundum ea, quae adhuc perpendimus et exposuimus, quaestio, quinam nexus intercedat sensui (Gefühl h. l.) cum ratione in religione dijudicanda et adhibenda, saepius quidem jam tractata, nec tamen hucusque satis accurate et definite soluta, argumentum nobis videtur magni certe momenti ac disquisitione dignissimum. Hoc consilio quaestionem, quam illustrare ac solvere conabimur, ita ponimus:

Quatenus sensus in dijudicanda et adhibenda religione tam naturali quam revelata rationem adjuvare vel etiam ejus vicibus fungi potest et debet?

Religionis duplex est notio; partim hoc verbum significat Dei rerumque sensibus non subjectarum cognitionem, partim vero cognitionem conjunctionis nostrae cum Deo rebusque divinis, vel quemadmodum ex iis pendeamus, vel quaenam ratio nobis cum illis intercedat. Nam etiamsi Deus est, nulla tamen extare potest religio, nisi qua conjunctio nobis sit cum Deo. Notionem vero alteram ab altera in animo ac cogitatione disjungere possumus; atque hanc ob causam in hac disputatione duplice primum absolutam religionis, et naturalis et revelatae summam considerabimus; tum vero, quatenus haec summa ad nos pertineat et cum generis hu-

mani rebus conjuncta sit, respiciemus. Disputationis partem priorem theoreticam, posteriorem practicam nominabimus.

Primum igitur videbimus, utrum in quaestione de Deo ac rebus divinis theoretica sensus aliquid valeat, atque, si quid ei tribuendum sit, qualis sit ejus usus? Usus vero duplex esse potest, ita ut sensus vel rationis vicibus fungatur vel rationem adjuvet.

Si quaeritur, num unquam sensus rationis vicibus fungi possit ac debeat, aliis verbis hoc investigatur, num unquam fieri possit, ut sensus nos plura ac certiora de Deo rebusque divinis doceat, quam ratio possit; eo quidem modo, ut in posterum jam non rationem, sed sensum sequi debeamus. Nos quidem hoc nunquam fieri posse putamus. Ad quam sententiam nostram probandam, quam multiplex rationis conjunctio et cum aliis materiis et cum rebus religionem attinentibus esse possit, explicabimus.

Ratio igitur aut judicat, doctrinam aliquam de Deo rebusque divinis vel sibi ipsi vel libris sacris repugnare, aut eandem prorsus non intelligit, aut quamquam non ignorat, eam esse veram, tamen nullam ejus essentiae ac naturae cognitionem perfectam habet; aut eam satis perspectam esse dicit eamque veram esse persuasum sibi habet.

Prima quaestio, num sensus rationi auxilio ve-

nire possit ac debeat, si haec perscrutetur, num doctrina de Deo et rebus divinis contra se ipsam vel contra libros sacros certet, duas alias complectitur; alteram, num sensus contra rationem librosque sacros ita pugnare possit, ut ea, quae ab illis ut vanâ falsaque rejiciantur, vera esse demonstrare valeat; alteram, num, si hujusmodi discidium oriri possit, sensui plus auctoritatis quam rationi et libris sit tribuendum. Ad has quaestiones respondere non est difficile; nam si priorem spectamus, haud interrogatur, num ratio ac sensus ita inter sese pugnent, ut iis, quae tanquam falsa et facta repudiet ratio, sensus afficiatur. Quis enim est, cuius adeo durus sit animus, ut Bürgeri Eleonoram legens non corripiatur horrore frigido, quamvis rem ipsam fictam fabulosamque esse non ignoret. Haec enim non est rationis contradicatio contra sensus judicium, sed contra sensus affectionem, quae minime, sensum ea, quibus excitetur, vera quoque putare demonstrat. Id autem fieri posse negamus, ut sensus et rationis judicia inter se contendere possint. Nam si quaeritur, num (quod ad quaestionem alteram pertinet) sensus excitatio, quae a rationis judicio discrepare videatur, ejus sententiam subvertere possit, illius affectionis causae explicandae sunt, quae duae esse videntur. Prior est causa, si ratio videtur tantum aliquid improbare, quum tamen dubium quoddam restet. Quod eorum hominum exemplo affirmare

possimus, qui de superstitionis vanitate fortiter loqui solent, ubi tamen versantur in solitudine ac tenebris, horrent ac trepidant. Qui metus hand docet, esse spectra, sed tantum illos homines sibi non satis persuasisse, nunquam visa esse spectra. Si vero ratio aliquid certis argumentis falsum declarat, atque tamen eo sensus excitatur, haec affectio phantasiae tribuenda est; quae est causa altera, cur sensus aliqua re, quam ratio falsam ducat, permovedatur. Sensus jam, si talis res, qualis illa Bürgeri fabula, cogitari tantum potest, afficitur; nam si accuratius loquamur, sensum minime re ipsa, sed ejus imagine affici est dicendum. Patet igitur, si sensus a ratione decedat, hoc certamen nou id perficere, ut, quae aut sanae rationi aut scripturae s. contradicant, ea ex sensus auctoritate vera habeantur, sed potius illud certamen e causis jam dictis esse derivandum. Si ratio aliquam rem falsam esse plane persuasum habet atque ab illa re ita abhorret, ut nulla phantasia eandem ut verum exhibere (v. c. circulam quadratum) possit, certe nunquam sensus a rationis sententia declinat, i. e. sensus tali re non afficitur, quia ratio rem omnino falsam esse nec veram esse posse judicat.

Quaestio secunda, num sensus tanti momenti esse possit ac debeat, ut ex ejus auctoritate aliquid, de quo ratio dubitet, accipiendo sit, explicationem nou requirit ubiorem. Illud enim dubitare seu nescire duplex esse potest, ita ut aut ne notionem

quidem rei alicujus habeamus, aut, si hanc haheamus, num quid exstet, nesciamus, quod huic notioni respondeat. Sed si nulla imago animo sese praesentat, i. e. si ne notio quidem in animum pervenit, sensus eo ne excitari quidem potest. Rei enim afficientis imago semper sensus affectionem antecedit, neque ullum hominem fuisse crediderim, in cuius animo Dei notio non fuerit, antequam se per Deum peculiari ratione affici et excitari perciperet. Quodsi alicujus rei notionem habemus atque ratio, utrum illa res sit nec ne, nescit, sensus quidem potest excitari, neque vero demonstrare, illam rem vere adesse; quisque enim intelligit, sensum rebus quibusdam affici posse, quas tanquam fictas ratio rejicit. Si igitur phantasia idem eodem modo, quo veritas proferre potest, in sensus affectione veritatis demonstratio inest nulla.

Tertiam ad quaestionem transeamus, num, si ratio doceat, aliquid vere exstare neque vero de ejus natura notitiam perfectam habeat, sensus de hac materia nos certiores facere valeat? Res tantum ad religionem attinentes propter brevitatem spectabimus. Optime temporibus recentioribus philosophus doctissimus et illustrissimus dogmaticorum audaciam fregisse videtur, qui rationis theoreticae pennis sese in mundum invisibilem levare posse putabant, neque meditabantur, illam et temporis et spatii legibus esse subjectam. Quodsi ne hujus mundi quidem res cognoscimus, quamvis nobis appareant, quomodo ea,

quae sensibus hand obnoxia sunt, intelligamus? Profecto quisque vir sapiens ac modestus, nos naturam divinam neque cognoscere neque cognoscere valere, cogitationemque, quam ita nominamus, symbolicam tantum esse, i. e. rerum finitatum comparatione cum Dei essentia infinita nitit, ita tamē, ut solummodo, quid Deus non sit, nec quid ille sit, dicere sciamus, concedet. Quodsi naturam infinitam animo nobis conformamus, quasi vertigine corripiamur atque sensus hac cogitatione fortissime excitetur necesse est. Idea haec enim et obscura et plurium aliarum quoque est fons idearum, quae et ipsae sunt obscurae et sensui sedem praebent. Quibus intelligi potest, sensum ad Deum divinasque res explicandas, nihil valere. Nam si nostra naturae infinitae notio tantum est symbolica, neque, ut dicunt logici, adaequata, caeterae quoque ideae, quae illa notione generali nituntur et sensum excitant, symbolicae modo esse possunt. Patet igitur, nos sensu ejusdem cognitionem adipisci nequaquam valere, si ratio alicujus rei essentiam non noverit.

Ad quaestionem quartam, quidnam auctoritatis sensui sit tribuendum, si ratio doctrinam aliquam non satis certam ducat, haec respondebimus. Quod sensus aliqua re incerta quoque affici potest, nemo, qui memor est, eundem adeo facta aliqua re permoveri posse, mirabitur. Sed, etiamsi argumentum nostrum spectamus, in sensu nulla inesse posse videtur auctoritas. Duabus enim ex causis sensus re-

bus dubiis etiam excitatur. Aut phantasia, aliquid haud dubium esse, sed verum ac compertum, sibi statuit, aut sensus excitatur, quatenus aliquid videatur probabile ac verisimile. Si causa exstat prior, nihil momenti sensui tribuendum est, quod et res ipsa et supra dicta docent. Quod ad causam posteriorem attinet, notiones cum illa re conjunctae earumque fons etiam probabiles ac verisimiles modo esse possunt. Qua de causa si sensus ejusmodi notionibus afficitur, incertis ex incerta re egressis cogitationibus excitatur. Sensus quidem aliqua re, quam neque ratio certam dicit neque phantasia veram sibi proponit, ita permoveri potest, ut haud fortius, si illam rem ratio quoque certam haberet, permoveri possit; at quisque animum in sese attente convertens facile intelliget, se non alicujus rei vere existantis magnitudine, sed ideae, i. e. rei cogitatae amplitudine excitari. Itaque si nobis inde, quod res aliqua nobis magna esse videtur, concludere licet, rem ipsam veram esse, sequitur, sensu inflamato minime alicujus rei veritatem, sed cogitationis ambitum ostendi. Observandum etiam est, eum qui re dubia incitetur, hanc ipsam rem non aliter, ac si sit probabilis, respicere; si eam modo contrario spectaret, atque phantasiam coērceret, non incitaretur, quia res ei falsa appareret. Quodsi vero incitaretur, motus ex idea non e veritate proficietur. Qui igitur existimat, sensus auctoritate rem dubiam veram habendam esse, eum errorem, qui

principii petitio appellatur, committit. Priusquam sensus re aliqua tanquam vera excitatur, ratio hanc eo modo respiciat oportet, ac si vera esse videatur; sed eodem jure ipsa modo contrario perlustrari posset. Si ergo sensus auctoritas tanta esset, sequeretur, alicujus rei veritatem e casu atque ex arbitrio ejus pendere, qui illam rem hoc, quam illo modo adspicere malit.

Quaestionem ultimam, num sensus rationi auxilio venire possit ac debeat, si haec doctrinam aliquam penitus cognoverit, de ejusque veritate sibi persuaserit, explicationem non postulare putamus. Nam si quid ratio cognovit, deque eo sibi persuasit, causa nulla inveniri potest, cur eadem locum relinquat, ac sensus hoc potiatur, quum ejus natura notionibus obscuris nitatur atque rationis natura e cogitationibus constet distinctis.

Quibus dictis nos explicasse existimamus, si Deus atque res divinae per se considerentur, sensum ad hanc quaestionem nihil valere, totam autem scientiam nostram rerum sensibus haud obnoxiarum, si quid ejusmodi sciamus, vel rationis humanae auctoritate vel sacra scriptura niti. Quum vero de Deo rebusque divinis ita locuti simus, quasi ad nos haud referantur, fortasse, quibus haud constanter factum videatur, quia saepius sensus verbo usi sumus, reperiuntur; tanquam si sensus aliqua re excitari posset, quae nos non attingeret. Quam viuperationem refellere vix opus est. Quem enim

non movet Homeri Andromache sive Euripidis Hecuba atque quisnam est adeo ferreus, qui earum miseriis ac moerore non afficiatur. Contra haec moneri posset, haec carmina ab humanitate haud aliena esse; sed respondemus, quemlibet etiam coelo stellato sive solis orientis aspectu, seu montium altitudine seu maris saevi conspectu gravissime per moveri atque affici? Tamen inter nos atque hares nulla relatio est propior, nisi conspectus et conformatio in animo.

Secundam ad partem hujus disquisitionis transeamus, quam practicam appellamus, i. e. Deum atque res sensibus non subjectas tanquam nobiscum conjunctas et nos attingentes consideremus. Hic de ea inter naturam divinam ac genus humanum ratione, quae religio nominatur, dicendum est, atque, num unquam sensus in iis, quae ad religionem pertineant, rationis locum obtinere et implere possit ac debeat, decernendum est.

Antea vero est monendum, quum in prima hujus disputationis parte rationem cum scriptura s. conjunxerimus, quia nulla earum separandarum causa erat, nos in hac practica de his religionis fontibus singulis separatim acturos esse. Cum vero, si utramque partem tractaremus, dissertationis limites excederemus et praecipue disquisitio de sensus auctoritate et ratione ad religionem in scriptura sacra revelatam magni momenti atque ut res nunc sese habent, litterarum respectu maximi ambitus sit,

hanc secundam partem non expositam relinquere ejusque expositionem in aliud tempus deferre debemus. Hoc loco igitur tantum videbimus, quanta sensus in iis rebus, quae ad religionem naturalem sive rationalem (ut dicunt) attinent, sit auctoritas. Si causam, i. e. religionis originem investigamus, non proponimus quaestionem, sicuti nonnulli fecerunt, e quo fonte homines principio naturae divinae notionem hauserint, aut quibus argumentis ad credendum, Deum vel Deos esse, adducti sint. Certe concedimus, fidem illam, naturam aliquam divinam esse, cum religione ita intime conjunctam esse, ut altera ab altera separari non possit; tamen demonstrandum est, cujusmodi sit illa conjunctio. Nam si homines rationis auctoritate aut alio quodam argumento sibi persuaserunt, naturam aliquam divinam esse, inde haud sequitur, hanc naturam cultu religioso esse celebrandam. Aliud est credere, esse Deum, aliud sibi persuasisse, eam inter Deum genusque humznum constare conditionem, in qua religio sit posita. Quae partes quidem, ut diximus, quam intime inter se conjunctae sunt, attamen contendi posse putamus, easdem diversis ex fontibus et causis oriri posse; quin omnino diversae suisse videntur. Quacunque tandem via ratio rudes populos ad Deos statuendos adduxit, sive cum Ciceronе dicimus, (cf. Cic. Nat. Deor. II. 5) quatuor de causis in animis hominum informatas esse Deorum notiones, sive de pluribus, tamen non possumus cre-

dere, hanc ipsam rationem eos docuisse theologian aliquam naturalem adeo in animi conformatiōnib⁹ positam, ut inde religionis necessitas syllogismo acuto demonstrari potuerit. Interea hoc amplius inquirere nolumus; minime enim, quidnam sensus ad religionem efficiendam olim valuerit, sed quae-nam ejus vis esse possit ac debeat, quaeritur. Res non postulat, ut distinctius ac subtilius, quam fac-tum est, quid sit religio, explicemus; alii enim hanc, alii illam proferunt definitionem. Hoc unum vero idemque omnes sentiunt, religionis fundamen-tum esse conditionem mutuam inter Deum genus-que humanum. Neque naturae divinae notio et ge-neris humani notio per se consideratae ad religio-nem homines adducunt, sed haec ex utriusque no-tionis coniunctione proficiscitur. Generalem autem verbi conditionis notionem tenemus, neque de eo, utrum ea pertineat ad hominis naturam physicam an ad moralem, certabimus. Id tantum investiga-mus, utrum rationi an sensui attribuendum sit, quod illam conditionem vere constare putemus.

Haec quaestio jam, num ratio docere valeat, hanc conditionem esse posse, talis est, ut eam tan-tum ex notione de Deo nobis informata solvere pos-simus. Si ex more Homericō naturam divinam hu-manā metimur, atque ad divinitatem, quae sunt ge-neris humani, transferimus, nihil impedit, quominus Deos nobiscum naves concendere, in curribus se-dere etc. existimemus. Sin vero nobis notionem

mente singim⁹, quae natura et sublimitate divina digna est, equidem hand intelligo, quomodo ratio pro certo, illam conditionem vere extare posse, exponat. Nam priusquam demonstrare valeamus, fi-eri posse, ut res aliqua sit, notionem illius rei ali-quam in animis nostris insitam habeamus necesse est. — Sed fortasse haec disquisitio inutilis esse vi-detur. Si enim ratio illam conditionem vere esse docet, dubitari nequit, quin eadem esse possit. Potestne vero ratio ipsa hoc probare? Illam condi-tionem ad naturae humanae partem sive physicam sive moralem refers, neque res sensibus subjecta est, neque ab aliquo cognosci potest. Quam ob rem qui illam inter Deum ac genus humanum conju-nctionem vere esse demonstrare vult, hoc a priori fa-cere aut probare debet, illam esse mundi rerumque humanarum causam, quas cognoscere atque expli-care non possimus, nisi illam conditionem vere esse statuamus. Qui vero hoc a priori docere vellet, operam perderet. Etenim si hoc e numinis divini ipsius contemplatione demonstrandum esset, probari oporteret, numen diuinum esse ejus naturae, ut hac conditione deficiente, divinitatam amitteret, neque Deus esse posset. Ad hanc autem argumentationēm accurata numinis divini cognitione opus esset, qua-caremus. Porro haec conjunctio Dei cum genere humano aut necessaria esse deberet, ut ipse Deus eam non posset solvere, aut arbitraria, ergo posita in Dei iudicio et voluntate. Illa vero Dei liberta-

tem i. e. Deum ipsum tollit, haec ob id ipsum; quia arbitraria est, non potest a priori demonstrari. Neque multo melior altera disquisitionis argumentatio est, quae a posteriori vocatur atque instituitur, ut ostendatur, qualis sit rerum humanarum conditio, quas nisi rationem illam Deo cum genere humano intercedere statuamus, nequaquam possimus intelligere et explicare. Nam si ratio illa ad naturam nostram physicam refertur, quid tum in illa inest, quod nobis ostendat, illam non posse esse et constare, nisi sub numinis divini imperio. Porro, etiamsi ponamus, eam esse talem, ut, quomodo existat et se conservare valeat, e naturae conjunctione et constructione nobis cognita intelligi et explicari nequeat; quid est, quod de toto naturae ambitu secundum cognitionem vel ignorantiam nostram judicemus, et quis est, qui neget, si multo peritiores essemus, rerumque naturam melius perspiceremus, judicium nostrum in hac re fortasse plane aliud esse posse, quam naturam nostram physicam consistere non posse, nisi acciperemus ac statueremus, quandam actionem divinam illam servantem esse? Aliud est ignorantiam humanam, aliud rem per se non explicabilem demonstrare. Qui vero rationem illam arbitrantur pertinere ad naturam nostram moralē, probare debent, vim ac naturam virtutis non in virtute ipsa inesse, sed in voluntate divina, ita ut, si Deus voluisset, virtutis natura plane alia fuisse, neque ullam esse auctoritatem rationi practicae,

cui obtemperare debeamus, nisi quatenus divina auctoritate nitatur. Ratio practica quidem, ut Deum esse credamus, nos adducit, neque vero quidquam in ea inest, quod nos credere cogat, illam conjunctionem Dei cum genere humano esse, in qua religionis fundamentum nitatur.

Hinc apparere putamus, quamvis persuasio Deum esse necessario religionem efficiat, tamen eandem non immediate ad religionem adducere. Itaque Stoici recte docere videntur, qui, quamquam utrumque rationis auctoritate niti, putant, tamen alterum ab altero disjungunt, aestimantes, utrumque pro se demonstratione separata probandum esse *).

Hoc tantum ostendere voluimus, si quaestio de religione solummodo rationis respectu habito solveatur, inde non prodire principium tam firmum ac perspicuum, cui contradici non posset, ergo dubitationes de hac re motas minime injustas esse. Quantum ratio in utraque quaestione solvenda valeat, hic non dijudicabimus; id tantum profitemur, fieri posse, ut quis neget, rationem docere, utrum Deus colendus sit nec ne.

Eorum igitur disputatio non est laudanda, qui doctrii religionem natura hominibus insitam esse,

* Cf Cicer. Not. Deor. II. 1. „Omnino dividunt nostri (Stoici) totam istam de diis immortalibus quaestionem in partes quatuor. Primum docent esse deos; deinde quales sint; tum, mundum ab iis administrari; postremo, consulere eos rebus humanis.“

et hoc fundamento niti, ita agunt, ut nullum populum esse adeo ferocem ac crudeliter dicant, qui non praesagiat superiorem aliquam naturam. Hoc ipsum vero haud accurate statuunt, religionem, i. e. ex illorum sententia persuasionem esse Deum, natura humana niti. Judicant enim, quod verba ipsa significant, hanc persuasionem nulli ratiocinationi esse subjectam. Quo quidem modo recte docent, praeferquam quod illam persuasionem cum religione commutant. Qui vero arbitrantur, utrumque unum idemque valere, plerumque definiunt, rationis humanae indolem talem esse, ut ab hujus mundi consideratione facile ac sua sponte ad cogitationem de ejus causa sese evehat. Recte quidem; tum vero, quod illi contendunt, persuasionem, esse numen divinum, omni ratiocinatione prius extitisse, tollitur. Illa enim cogitatio rationis conclusio nititur, mundum sine auctore esse non posse, quia nihil esse possit, nisi causa, cur sit, existet. Quod minime, religionem naturae humanae esse propriam, sed potius rationi humanae, indicat. Si vero haec rationis conclusio ad mundum refertur, persuasio numen divinum esse oritur; si ad domum sive picturam, architectus sive pictor requiritur. Itaque cogitatio de numine divino non magis, quam de architecto vel pictore rationi humanae est propria, si excepteris, quod illa magis omnibus mortalibus est communis, quia mundus ubique adest, ab omnibus adspicitur omnesque attingit.

Si ies ita se habent, contendimus, religionem in pectore humano insculptam esse; nullo vero modo concedere possumus, aut cognitionem, Deum esse, atque religionem plane unum idemque exprimere, aut utramque ex uno eodemque fonte manare, aut si persuasio, Deum esse, religio vocanda sit, hoc sensu religionem naturae humanae ita propriam esse, ut prius quam omnis rationis conclusio exsisterit. Credimus igitur, dicentes religionem natura humana contineri, aliquid ratiocinationibus non subjectum in hominum animis versari, quod, simulac ratio, esse Deum, cognoverit, nobis de illa inter Deum hominesque conditione persuadeat, atque omnium religionum fundamentum exhibeat. Illud aliquid vocatur sensus religiosus; quod verbum generali significatione adhibemus, dicentes, sensum esse observationem ejus conditionis seu status, in quo id, quod philosophice nostrum ego dicere solemus, in praesenti versetur. Quam definitiōnē sequentes denuo interrogamus, quid sensus, i. e. nostri ipsorum observatio valeat? quaeunam auctoritas ei tribuenda sit? Illa autem observatio nequaquam per se, sed id, quod observatur, illa conditio sive ille animi status, aliquid, efficere potest. Haec conditio sive hic status cum a notionibus, quibus animus afficitur, pendeat, facile intelligimus, illi quaestioni nullam aliam inesse interrogacionem, nisi hanc, quid illae notiones in dijudicanda veritate ac falsitate efficere possint. Haud secus sensus

religiosus quoque sese habet; nos enim pio modo affectos esse, comprehendimus. Si igitur quaeritur, quid sensus religiosus efficere possit, haec inest sententia, quamnam illa affectionis religiosae observatio vim habeat? Cum vero illam affectionem sicuti quemque alium sensum a notionibus pendere oporteat, quibus illa consistat atque composita sit, potest hoc quoque quaeri: quam auctoritatem hae notiones habeant, quodque pretium iis sit adscriendum.

Sensum quidem religiosum naturae humanae proprium esse, non magis potest probari, quam in nobis sensum moralem aut rationem practicam inesse. Sicuti in rerum natura est aliquid ultimum ac supremum, nulli demonstrationi subjectum, ita in animo humano multa sita sunt, quae conscientia tantum cognosci neque argumentis doceri possunt. Itaque si qui negent, sese sensu religioso praeditos esse, cum iis neque possumus certare, nec certabimus. Haec vero cogitent, multum interesse, utrum sensus religiosus omnino desit, an aliis rebus oneatur et opprimatur, quae fortius, quam notiones piae, animum afficiant. Nam aliud est, si ille sensus sit hebes et obtusus, aliud, si plane desit. Porro si quis dicat, sensum religiosum sibi deesse, bene consideret, num his verbis, se, nullum Deum esse, putare exprimat. Sic saltem plerumque intellig solet, si quis religionem contemnere dicitur; neque negamus semper homines fuisse et fortasse hodieque esse, quos religioso sensu destitutos esse, vere dicere

possimus. Sed his ex dictis liquet quaeri, num quis, esse Deum, existimans sensu religioso, orbatus esse possit, i. e. num sibi persuadere valeat, conditionem inter Deum et se ipsum esse nullam. Negamus quidem talēm hominem inveniri aut unquam esse inventum; si quis se ipsum exempli loco opponat, cum eo certare nequimus. Credentes vero talēm hominem neque esse neque fuisse, in eo argumentum grave reperimus, quod nondum ullus populus inventus est, qui non statim, simulacrum, numen divinum esse, sibi persuaserit, idem cultu pio venerandum esse putaverit. At si verum est, illam persuasionem et religionem magnopere differre, interrogamus, unde gentes feroce cogitationem conditionis, quae sit inter Deum genusque humantum, quaque tota religio nitatur, hauserint. Dici enim nequit, illam cogitationem e beneficiis generi humano a Diis immortalibus praebitis esse profectam. Cicero saltem tempore suo philosophos fuisse docet existimantes, Deos in res humanas nullam curam conferre. Quorum sententia, si vera sit, quoniam modo pietas, sanctitas, religio esse possit? — Num Cicero hoc modo illorum philosophorum sententiam oppugnare potuisset, nisi Deos, quamvis rebus humanis non consuentes, tamen religiose collendos esse putassent? Cicero ipse dicit, Epicurum docentem Deos nihil efficere et soluto ac quieto esse animo, nihilominus libros de sanctitate, pietate

*) Cf Cicer. Nat. Deor. I. 2.

alique veneratione Deorum merita debitaque scripsisse atque in his scriptis ita loqui, ut pontifices maximos, Coruncanium vel Scaevolam, sermonem facere credas. Atque orator ille jure suo firmasse videtur, Epicurum, Deos res humanas curare ne-gantem, aras diruisse omneque religionis fundamen-tum pervertisse; attamen inde liquet, quantum vi-rium in natura humana insit, quae tum etiam cre-dat sese cum Deo coniunctam esse, quum se ipsam a Deo, neglectam ducat. Quo etiam plane demon-stratur, aliquid pectori humano inesse, quod fortiter ad religionem trahat, nec tam beneficiis divinis vel alio modo gignatur, quam potius sua sponte exsurgat atque Dei desiderio teneatur.

Nunc nobis videndum est, num quando ille sensus religiosus in iis, quae ad religionem pertinent, rationis vicibus fungi possit ac debeat. Omnes gen-tes in eo convenient, si numen divinum sit, id esse venerandum; sed de venerationis ipsius modo inter se dissentunt. Haud difficile cognitu est, unde haec discordia orta sit. Nam sicut quisque Dei naturam in animo et cogitatione conformat, ita aliam vene-randi viam Deo ipsi alia gratiorem esse putat. Quām ob rem, quamvis apud singulas gentes causae quae-dam peculiares ac fortuitae varietates plures efficere possint, in universum verissime dicere licet, quae-cunque diversitates sint in singulorum populorum cultu numinis divini, eas aut unice aut praecipue e diversitate opinionum de natura summa pendere.

Omnino autem aliud quaeritur, unde ille consensus omnium gentium admirandus, Deum esse prorsus colendum, sit profectus. Qui populorum consensu minime per conclusionem quandam et e natura di-vina ipsa derivatus esse videtur. Primum enim, ut diximus, si numen aliquod divinum esse accipimus atque concedimus, haud statim cum hac sententia veneratione ejusdem vera ac justa est conjuncta. Haud negamus, numine summo agnito religionem protinus existere, sed negamus, sensum religiosum primo e cognitione naturae divinae perfecta profici sci atque probari posse. Deinde Epicuri exemplum supra dictum docet, etiamsi quis Deos immortales hominum saluti non consulere paret, tamen naturam humanam ultro ad eos venerandos permoveri. Denique si ille sensus religiosus, illa animi propensio ad Deum co-lendum, probatione a natura divina derivata nite-retur, hujus probationis concii essemus, atque no-tiones, quibus sensus religiosus constaret, disjungere ac distinguere possemus. Unde liquet, religionem nobis propriam esse atque innatam; hoc vero ita intelligimus, ut aliquid in nobis insit, quod nos de conjunctione cum Deo admoneat; illa divinatio au-tem est conscientia religionis intima summaque, nulli rationis conclusioni subjecta; cuius vis tanta est, ut eandem omnes, vel inscii et inviti, percipi amus.

Sunt igitur in animo nostro notiones, quae sen-sum religiosum afficiunt; unde sint et quomodo in

animum pervenerint, explicari non potest. Si jam quaeritur, quid pretii his notionibus adscribendum sit, respondere ita nequit, ut de harum notionum veritate ac falsitate judicemus. Quarum quum non scimus consciī, perspicue demonstrare non possumus, utrum eae cum ratione congruant, an certent. Si autem verum est, sēnsū religiosum naturae humanae ita proprium esse, ut ab hoc disjungi nequeat, sequitur, notiones, quibus ille sensus contineatur, eodem modo cum natura humana conjunctas esse. At hoc ipsum, quod vinculo indissolubili et arctissimo cum natura humana conjunctus est, quantum habeat pretii auctoritatisque, quis non videt? Quonam enim argumento alio sensus moralis, quonam conscientia, quonam ratio practica demonstratur, nisi hoc ipso, quod in natura humana insita sint, atque ab eadem disjungi nequeant. Si rationis theoreticae judicia in partes singulas dividimus, nonne tum necesse est, ad aliquid ultimum ac supremum perveniamus, quod in nostra natura ipsa sit fundatum, ultra quod progredi non possimus, quod sit supra omnem demonstrationem? Praeterea quoque magna auctoritatis pars ex eo proficiuntur, quod ille sensus religiosus omnibus hominibus omnibusque gentibus est communis. Si quis objiciat, omnes homines genteisque errare posse, cogitet tantum, nos nequaquam, communī gentium consensui legis vim esse tribuendam, contendere.

Sed hic non de arbitrio et sententiis loqui-

mit, verum de naturae judicio semper valente. Illae quidem omnes in rationis conclusione errare atque fluctuare possunt, ea autem de re, quae omnem rationis conclusionem antecedit, dicimus. Jam vero quum nobis insitum ac quasi innatum sit, ut censeamus, illam conditionem, qua religio nitatur, inter Deum hominesque vere esse, sequitur, homines quodammodo per se ad religionem adduci atque impelli, i. e. a sacris suis desciscere non posse, nisi naturae vim inferant.

Hoc ergo sensus auctoritate ducti nos concludere posse putamus, sensum illum rationis vicibus fungi posse ac debere, si illa dubitet, nec certo doceat, conditionem illam, in qua religio nitatur, esse inter naturam divinam atque humanam; sive dicere possumus, si ratio dubitet nec certo doceat, nos magis sensus testimonium, quam rationis judicium sequi oportere.

Ratio quidem non pro certo, illam conditionem, de qua loquimur, vere adesse, praecipit, sed sensus eam extare testatur. Contendimus sensui esse credendum, ratione enim sensus religiosi auctoritas extingui nequit, nisi religionem cum natura atque rationis legibus pugnare demonstretur. Etenim quum ille sensus in natura humana ipsa positus sit, rationi haud postponendus est, nisi ratio probet, sententiam suam de religione firmius et altius, quam sensum religiosum, in natura humana esse stabilitam, i. e. fore, ut omnes cogitandi leges, ipsaque ratio

deleantur, si conditio illa inter Deum genusque humanum credenda sit. Sed quo modo ratio hoc confirmare possit? Nemo probare valebit, illam conditionem cum certis aeternisque rationis legibus certare, nisi Dei ipsius naturam atque illius conditionis modum accurate et perfecte cognoverit, quod nemo mortalium potest.

Praeterea sensus religiosus ipse, si illam conditionem piam vere adesse putemus, argumento est, in cogitandi leges nullam vim esse exercendam: ille enim sensus, quamvis omnem rationis conclusione antecedens, tamen notionibus continetur. Quae notiones cum certis rationis sententiis pugnare non possunt, quia sensus non afficitur, si qua repugnantia reperiatur. Causa, cur sensus tum non afficiatur, in eo posita est, quod notiones inter se pugnantes ne notiones quidem, neque ullius pretii sunt, cum res, quas nobis ne fingere quidem possumus, pretio careant. Vere etiam, si ratio religionem contemneret, omnium populorum propensio ad religionem minime posset intelligi atque explicari. Itaque, si qui negent, se conditione religiosa cum Deo conjunctos esse, eorum sententiam non, sicut illam aliam, ex humana natura ipsa promptam et haustam, sed serius ortam esse videmus. Si opinio illa, nullam esse conjunctionem inter Deum ac genus humanum, naturae humanae non minus propria esset, quam sensus religiosus, nulla esset causa, propter quam omnes gentes hunc sensum, quam illam opi-

nionem sequi mallent. Quare opinio illa non ita potest solvi, ut tandem ad simplicissima rationis elementa perveniamus, quae non amplius possint explicari. Attamen requiritur, ut alicujus rei veritas vel falsitas probetur, ita ut tandem tota disquisitio in humana natura persistat, neque ullo argumento novo probari possit. Hoc fundamento, quo opinio opposita indiget, sensus religiosus nititur, quare huic sensui magis, quam illi opinioni obtemperandum esse contendimus, quoniam, si viam contrariam ineamus, naturam humanam ipsam deleri necesse sit. Neque vero hoc ita intelligendum est, ac si quis ratione negare, sensu autem credere possit, conditionem illam inter Deum atque humanum genus extare, vel ac si, quae ratio rejiciat, sensus auctoritas probare possit; sed dicimus, nisi ratio, quod nunquam potest, demonstret, religionem cum aeternis ipsius legibus pugnare, ipsi nunquam licere vel fas esse, religionem, tauquam commentum sive vanum aliquid, repudiare. Rationi tantummodo fateri licet se nescire, utrum conditio illa inter Deum et genus humanum sit, nec ne. Itaque disquisitio nostra id agit, ut intelligatur, si ratio dubitet nec certo doceat, sensus auctoritati credendum esse, nos vinculo quodam cum Deo conjunctos esse; haec enim sententia sensu religioso in natura humana ipsa posito nititur, quo fundamento opinio contraria caret. Si vero quis credat, dubitationem vel ignorantiam humanam tantum valere posse ac debe-

re, ut res aliqua, quae in dubium vocetur, nec cognoscatur, statim neganda sit, contra hominem ejusmodi vix poterimus certare. Si vero haec arrogantia vel in rebus vulgaribus fugienda est, quanto magis in rebus divinis, quarum magnitudinem animus noster imperfectus comprehendere nequit!

Quum in theoretica hujus disquisitionis parte contendemus, rationi principatum tribuendum esse, sensum vero nunquam tantum valere posse, ut ex ejus auctoritate, rem aliquam veram aut falsam esse, statuere liceat, nunc vero in practica parte opinionem contrariam sequi sensuque eam auctoritatem, quam supra ei denegavimus, attribuere videamus; forsitan erunt, qui dicant, nos minime nobis constare. Ad quam accusationem refellendam monemus, sensum illum vel phantasia vel aliqua alia causa, cuius consci sumus, excitatum, non statim sensui religioso parem habendum esse, quippe qui non acquisitus sit a nobis, sed datus, humanaeque naturae adeo proprius, ut ab ea separari nequeat. Porro concedimus, neque sensum religiosum posse docere, illam conditionem vere extare inter Deum et genus humanum, neque sensum in universum, quae ad mundum sensibus non subjectum pertinet. Bene de nobis actum esse credimus, quod in natura humana aliquid insit, quod tanquam cogitandi agendique normam sequamur. Neque ad cogitandi agendique modum statuendum necesse est, ciamus, hanc normam positivam et veram esse, jam

id sufficit, quod in nobis est sensus religiosus, qui nos impellat, ut ita cogitemus et agamus, tamquam illam normam certissimam esse sciremus. Itaque patere nobis videtur, hanc disquisitionis partem minime cum priore pugnare. In illa enim parte propensa est quaestio, num sensus, quid sit, possit docere; quod negavimus; in hac vero, num sensus, quid sit credendum, possit docere, sive num sensus cogitandi agendique normam nobis praebere valeat, quod affirmamus. Atque inde etiam luculentius apparet, cur contendi posse crediderimus, sensum rationis locum occupare debero, si haec dubitet, utrum conditio illa inter Deum ac genus humanum existet, nec ne.

Si ratio aliqua ex causa jam in hanc partem jam in illam inclinat, sive nullum cogitandi agendique modum nobis praecipit, aut quamquam hoc facit, tamen ex arbitrio suo tantum agit, ita ut nulla sit causa, cur alium modum alii praeferat, sensus id, quod in ratione desideratur, nobis praestat et exhibet.

Quum igitur haec sensus auctoritas in omnibus religionis naturalis seu rationalis finibus versetur, quae hac religione continentur, i. e. ejus sententias singulas afferre non opus est. His enim ex dictis facile ratiocinando demonstratur, quantum sensus in iudicio ferendo de religionis arguento valere possit atque debeat. Simulac nobis persuasimus, nos cum Deo nexus illo religioso esse conjunctos, huic

persuasioni eae quoque notiones addendae sunt, quae ita necessario ad religionem pertinent, ut, iis sublatis, religio ipsa tollatur. Etenim si conjunctiōnem illam religiosam cogitemus, etiam, esse Deum, qui veneratione dignus sit, statuamus necesse est. Quae veneratio ipsa Dei natura, vitae efficacitate, rerum humanarum cura nūtitur. Quomodo enim, Deum pio animo colendum esse, probare possimus, nisi, quid Deus sit, quid faciat, quid ex eo hominum in vitam transeat, mente percipiamus. Quum ea, quae religione naturali continentur, his ideis nitantur, liquet, judicio de his eandem sensus auctoritatem, quam ei de religionis summa exponentes tribuimus, esse adscribendam.

T h e s e s.

- I. Non est philosophiae objectum praeter hominem; etenim, si esset, philosophandi neque initium esset, neque norma, neque finis.
- II. Poena capitalis non est abroganda.
- III. Mysticismus est species Pantheismi.
- IV. Lingua graeca non est mater latinae.

*Zur feierlichen Disputation des Herrn Doc-
tor der Philosophie M. C. Posselt pro venia
legendi, welche am Mittwoch den 15. Novbr.,
Vormittags um 11 Uhr, im grofsen Hörsaal
der Kaiserlichen Universität Statt haben wird,
laden ergebenst ein*

*die Decane und Mitglieder
der philosophischen Facultät.*

Dorpat, den 14. November 1833.